



Komunikadu Imprensa
10 Setembru 2012

Tribunál Distrital Suai kondena arguidu ba kazu violasaun seksuál ho pena tinan 10 iha prizaun

Tribunál Distrital Suai kondena arguidu ba kazu violasaun seksuál ho pena tinan 10 iha prizaun no selu kusta judisiál ho valor US \$ 15,00. Akordaun Tribunál Distritál Suai ne'e hato'o durante hala'o julgamentu movel, iha loraon 6 Setembru 2012, iha Salaun Diresaun Nasionál Terras e Propriedade Same, Distritu Manufahi. Kazu ne'e rejistu ho Nú. Prosesu: 08/PEN/2012/TDS.

Julgamentu ba leitura akordaun prezide husi Dr. Constançio Basmery hodi representa juiz koletivu ne'ebé julga kazu ne'e, Ministériu Públiku representa husi Dr. Antonio Tavarres no arguidu hetan defeza husi Dr. Marçal Mascarenhas husi Eskritóriu Defensória Públiku.

“Akordaun tribunál nian ne'e konfirma ba públiku Timor Leste katak violasaun seksuál nu'udar krime sériu iha enkuadramentu juridika Timor Leste nian no la hetan fatin atu ses-an husi responsabilidade kriminal” dehan Luis de Oliveira Sampaio, Diretór ezekutivu JSMP.

Ministériu Públiku akuza arguidu ho artigu 172 Kódigu Penál. Artigu ne'e defini katak se mak obriga ema seluk prátika ka obriga ema seluk mantein aktus koitu vajinál no anál ka obriga ema seluk hatama objetu ruma ba ema nia anus ka vajina sei hetan kondensasaun ba prizaun husi tinan 5 to'o 15.

Durante inkeritu, Ministériu Públiku arguidu konfesa no rekoñese faktus. Maibé, wainhira iha julgamentu produsaun ba prova, arguidu hili direitu atu nonok tuir artigu 60 (c) Kódigu Proses Penal (KPP).

Mesmu nune'e, tribunál koletivu ne'ebé julga kazu ne'e konvensidu ho faktus ne'ebé produz ona durante julgamentu iha Tribunál Distritál Suai hodi refere ba faktu sira ne'ebé Ministériu Públiku apresenta ba tribunál.

Iha akuasaun Ministériu Públiku nian haktuir katak iha loraon 17 Novembru 2010 iha tuku 08:00 dader, arguidu kaer vítima nia liman, buti iha kakorok, taka vítima nia ibun, hasa'i obrigatoriu roupa no hahú prátika seksuál hodi rejulta vítima hetan ran barak. Kazu ne'e, akontese iha Bairro Sukeira, Suco Fatukahi, Sub-distritu Fatuberlihu, Distrito Ainaro.

Atu hetan informasaun kle'an favor kontaktu direktamente

Luis de Oliveira Sampaio
Diretór Ezekutivu JSMP

Diresaun e-mail: luis@jsmp.minihub.org

Landline: 3323883